
"Халқ Конституцияси билан халқчил давлат сари!" шиори остида Маънавият фестивали

Учкўприк туманида Республика Маънавият ва маърифат маркази томонидан "Халқ Конституцияси билан халқчил давлат сари!" шиори остида Маънавият фестивали ўтказилмоқда. Унда пойтахтимиздан келган таниқли олимлар, шоир ва ёзувчилар, санъаткорлар ҳамда "Маърифат" тарғиботчилари жамияти аъзолари иштирок этмоқда.

Жорий йилнинг 30 апрель куни мамлакатимизда муҳим сиёсий тадбир – "Ўзбекистон Республикаси Конституцияси тўғрисида"ги Ўзбекистон Республикаси Конституциявий Қонуни лойиҳаси бўйича референдум ўтказилади. Мазкур тарихий воқеага туманимизда ҳам қизғин тайёргарлик кўрилмоқда. Жойларда аҳолининг барча қатламлари иштирокида тарғибот тадбирлари ташкил этилиб, янгиланаётган Конституциянинг мазмун-моҳияти тушунтириб берилмоқда.

Учкўприк тумани ҳокимлигида тарғибот гуруҳи билан ижодий учрашув ва концерт дастури ўтказилди. Унда туманимизга маънавият қарвони бўлиб пойтахтдан ташриф буюрган таниқли санъаткорлар, эстрада хонандалари, эл ардоғидаги ижодкорлар, маънавият тарғиботчилари ва сўз усталари ўзларининг чиқишлари билан барчага байрамона кайфият улашди.

Шунингдек, театр ва кино актёри Баҳодир Нишонов, тарих фанлари номзоди Искандар Ҳайтов ва бошқалар янгиланаётган Конституция жамиятимизнинг миллий тараққиёт эҳтиёжларидан келиб чиқаётган ҳаётий зарурат бўлиб, Янги Ўзбекистонни бунёд этишнинг ҳуқуқий асосларини мустаҳкамлашдаги истиқболли қадам эканлигини таъкидлашди. "Маърифат" тарғиботчилари жамияти аъзолари учкўприкликларни 30 апрель санасида бўлиб ўтадиган референдумда фаол иштирок этишга чақиришди.

2023-04-01 15:07:17